



Qorsa Jaalalaa-Kutaa 1ffa

Description

Yeroo darban keessa baruulee jaalala barreessun keenya ni yaadatama. Barrulee kanniin keessatti hiika jalaala waliin mariâ€™achuuf yaalle turre. Jaalalli fayyaas dhiibes. Yoo obbolaa lamaan ykn haadha fi abbaa manaa jiddu jaalalli dhugaa uumame walitti nyakkisuu,wal jibbuu,wal waanyu,wal sobuu fi kkf jidduu isaaniti ni kaâ€™a. Sababa jaalalaatin walitti dhufeeyna namoota lamaani ni cima. Qaroomini sababa jaalalaatin ijjaarrama. Tokkumaan hawaasaa kan ijjaaramu jaalalaani. Bakka jaalalli hin jirretti qaroominni,obbolummaan,tokkummaan jiraachu hin dandaâ€™an.

Karaa biraatin jaalalli dhukkuba. Mataan isaa dhukkuba osoo hin taâ€™in qabiinsaa fi tooâ€™anna dhabiinsa isaatu dhibee isa godhe. Jaalalli keessa darbaan (Obsessive love) namoota dhuunfas hawaasas miidha. Jaalalli keessa yoo darbee gabbarii ykn waqefannaa taâ€™a. Nama ykn wanta san akka gooftatti ilaalu fi gabaruutu dhufa. Dhiirri ykn dubartiin takka nama tokkorraa jaalalaan yoo qabamee ykn qabamte halkanii guyyaa waaâ€™ee isaa/ishii yaada/yaaddi. Jaalala kana gadi qabuu dhiise karaa haraamatian qabaneessu yoo yaale balbala badii ofitti banaa adeema malee furmaata barbaadataa hin jiru. Kanaafu jaalalli kunii daangaa darbee akka nu hin miine maal gochu qabnaa?

1. Ija ofii gadi qabachuuâ€“ iiji karaa sheyxanni qalbii namaa seenuni. Yommuu dubartii takka ilaallu sheyxanni boca ishii nutti miidhagsun qalbii keessatti akka haftuu fi yaadni keenya guutun akka ishiif taâ€™uu nu godha. Sadarkaan jalqabaa sheyxanni ilma namaa gara badiitti fudhatu ijaani. Jalqaba iiji ni ilaalti. Ergasii waaâ€™ee sanii ni yaaddi. Qalbiin erga bilcheessite booda qaamni hormaata yookaa ni mirkaneessa yookaa ni dida. Badiin osoo hin gudatiiniin duratti hidda isaa buqqisuun nageenya fi tasgabbiidha. Takka badiin hidda godhanaan buqqisuun ni ulfaata. Rabbiin dhibee kamifuu furmaataa fi qoricha malee hin buusne. Edisiyyuu taanan qorichi isaa wal qunnamtii saalaa seera maleessarra fagaachudha. Edisin namoota qulqullumma ofii eegan ariâ€™ee qabee ajjeessa moo nama ofii harka itti kenne qabee galafataa? Dhugumatti, nama gulufee itti dhaqetu waxmadii isaa keessa gala. Rabbiin waaâ€™ee ilma namaa keessa alaa isaa kan beeku akka badii kanaan hin halaakamne/badne furmaata kana lafa kaaâ€™e.

قُل لِّلْمُؤْمِنِينَ يَغْضُبُوا مِنْ أَبْصَرَهُمْ وَيَخْفَظُوا فُرُوجَهُمْ ذَلِكَ



أَزَكَّهُمْ إِنَّ اللَّهَ خَيْرٌ بِمَا يَصْنَعُونَ

â€œ Ija isaanii akka gadi qabatanii fi qaama saala isaanii akka eegan Muâ€™umintootatti (warroota amananitti) himi. Santu isaaniif irra qulqulludha. Dhugumatti Rabbiin keessa beekaa waan isaan dalaganitti.â€ Suuraa An-Nuur 24:30

Haa taâ€™uu malee yeroo amma ajaja Rabbii keenya kana dugda duubatti darbinee ija keenya wanta haraamatti bobaasna. Gatii ija keenya gadii qabachuu didneefis yerooma san ykn boodarra ni arganna. Fiilmii,gaazeexaa,interneeti.Tv fi kkf dubartii qullaa deemu of keessaa qabanitti ija bobaasna. Gatii kanaas keessi keenya ibidda fedhiit akka bobaâ€™u taâ€™a. Furmaanni ija ofii gadi qabachuu taâ€™ee osoo jiruu filmii fi Tv dubartii qullaa ilaalun furmaata akkamitti taâ€™uu dandaâ€™a? Ibidda bishaaniin dhaamsu osoo dandaâ€™amuu gaziin akkamitti ibidda dhaamsu dandaâ€™a? Kanaafu ija keenya filmii,diraamaa,Tv,gazeexaa,interneeti fi kkf kan wanta fokkataa facaanantti ija bobaasun akka ibidda irratti gaazi dabalutitti. Keessa keenya nageenya fi tasgabbi nu dhabsiisu malee buâ€™aa fi furmaata tokko nu fiduu hin dandaâ€™a.Dargaggeessa tokkotu akkamitti filmii fi diraama akkamitti akka ilaalu dhiise haala kanaan ibsa.

â€œYeroo kutaa 8 fi 9 jiruu filmii fi diraamaa nan ilaalan tÃ¼re. Miidhan inni sammuu koo irraan gahaa tÃ¼re hangana hin jedhamu. Halkan hirriba malee bulun,dubartii fi dhiira iskiriini tv keessatti ilaala turan san yoo yaadatan nageenya fi tasgabbi sammuu nama hin dhabsiisuree? Kutaa kudhan yeroo gahu hiiqa Qurâ€™aana afaan ingilifaatin dubbisu jalqabe. Jiâ€™a sadii keessatti wanta fiilmii fi diraama jedhamuu akka hin ilaalle tawbadhe irraa garagalee.Lamuu filmii fi diraamatti hin deebiâ€™uu jedhe of amansiise. Diraaman yommuu banamuun dafee gara kutaa kootti lixa. Kanattu gammachuu fi tasgabii qalbii kooti naa kenna. Fimii fi diraama ilaalun onne walitti suntursuu malee buâ€™aa tokko akka hin qabne naa galte.Alhamdulillah urga sanii filmii fi diraamatti hin deebine.â€ Kanaafu wanta haraama ilaalu irraa ija ofii gadi qabchuun qorsa jaalala isa jalqabaati.

2. Walitti makamuuâ€“ dhiira fi dhalaan walitti makamuun akka jeedalaa fi hoolata walitti makaniitiiksuti. Ibidda fedhii of keessatti danfisuu fi gubaa isaatin rakkachuudha. Saalli lamaan yommuu walitti makaman fedhiin lamaani ni kakaâ€™a,ibidda keessatiin ni gubatu. Warri dhihaa yommuu saallili lamaan walitti makaman fedhii ni hirâ€™isa jedhanii yaadu. Kanarrraa kan kaâ€™ee dhala fi dhirri akka horii wal keessa yaaâ€™u. Sababa kanaan gudeddaa,ulfa seera maleessa,dhiibe garagaraatin

haleellamuun itti baayâ€™ate. â€œSaala lamaan walitti makuu jechuu yommuu dheebotan bishaan galaanaa dhuguu jechuudha. Bishaan soqiddaa akkamitti dheebu nama baasaa dheebu namatti dabaluu malee?â€•

Kanaafu qorichi jaalalaa inni lamataa saala faalla fuudhu ykn itti heerumu dandaâ€™an gaaâ€™ilan duras boodas itti makamuu irraa fagaachu,dubbii hin taane fi hin barbaachisne waliin haasawu dhiisu,waliin kolfuu fi taphachuu dhiisudha. Sheyxaanni yoommu saala faalla waliin taphannuu fi kokolfinuu akka dammaatti nutti miâ€™eessa,inumaa san caalaa miâ€™eessa. Dubartii/dhiira fuudhu dandaâ€™an waliin yoo hin taphatin jirenyi gammachu akka hin qabne godhe nutti fakkeessa. Kaayyon sheyxaana inni guddaan kana osoo hin taâ€™iin suuta suutan zinaa/sagaagalumma akka raawwannuufi. Zinaa erga raawwanne booda rakkinnaa fi gadadoo garagaraatif nu saaxila. Eeti yuniversitii fi daree tokkotti walitti makamanii barachuun ni jira. Haa taâ€™uu malee barcumaa tokkorraa taaâ€™uu dhiisu fi isaan waliin kokolfuu fi taphachuu dhiisun ni dandaâ€™ama. Hanga fedhe sheyxaanni nu haa wasawasu/hasaasu saala faalla waliin taphachuu dhiisudha. Kana gochuun gammachu fi boqonnaa sammuuti.

3.Chaati- Yeroo amma kana keessa sababa teknolojiin garmalee babalâ€™ateen namoonni namummaa fi hamilee ofii dhabaa jiru. Kabaja ofii handaratti salphisaa jiru. Nama beekanii fi hin beeknetti qalbii ofii rarraasu. Ibiddi keessaa waan facebook chaatin qabannaâ€™u itti fakkaata. Yommuu saala faalla waliin chaati jalqabnu sheyxaanni araada nutti godhaa adeema. Isa ykn ishii waliin harâ€™a chaati yoo hin godhiin hirribni hin jiru,garaachi nyaata hin fudhatu,hojii ofii qulqullinnaa fi yeroo gabaaba keessatti hojjachun hin jiru. Mee haa xinxallinuu miidhan chaatin namarraan gahaa jiru. Namoota interneetiif chaatin caatidha. Sababni isaas akkuma caatin yeroo gubuu chaatinis yeroo guba,oomisha xiqqaa oomishan,sammuu namaa jijiira ykn ni hadoocha.

Kanaafu yoo intala takka yookiin dhiira tokko waliin chaati jalqabde fuudhu fi heerumuf qophii yoo hin taâ€™in addaan kuti. Yoo chaati hin jalqabiin hadaara jalqabuuf hin yaadin dhiisun boodarra sitti ulfaatati. Nama san fuudhu ykn itti heerumu yoo barbaaddeyyuu chaatin hariroo fi jaalala keessan laaffisa malee hin cimsu. Sababni isaas jechoonni gaggabaabon walitti darbattan guyyaa tokko summii taate hariroo keessan balleesiti. Kanaafu qorsii jaalalaa inni sadaffaan chaatirraa fagaachudha. Chaatirra fagaachun boqonnaa sammuu,nageenya,tasgabbii namaa laata. Yeroo quidata. Hojii ofii qulqulinnaani fi yeroo gabaabatti xumuran.

4.Hiriyyaa badaa irraa fagaachuâ€“ hiriyyaan si tolchas si balleessas. Namni gaariis haa hojjatu badas namni hunduu akka isaa akka taâ€™u barbaada. Akkuma jedhamu dubartiin zinaa/sagaagalumma rawwattu dubartooni hunduu zinaa akkuma ishii akka raawwatan barbaaddi. Hiriyyaanis yommuu ofii wanta badaa hojjatu namoota biroos walin qooda akka fudhatan humna qabuun itti harkisa. Namtichi inni itti harkisuu ofitti amanamummaa fi sodaan Rabbii laamsho/laafaa yoo taâ€™ee salphatti mataan gadi jedhaaf. Qilee inni itti of darbee waliin innis itti of darba. Seenan badii sababa hiriyyaatin dhalatuu lakkaawame hin dhumu. Seenaa asitti odeessun barreefama dheeressu fi irra deeddebii taâ€™a. Namni seenarraa waa barate jirenyaa ofii fooyyefata. Namni aaqilli/qaruuten bollo namtichi kaleessa itti kÃ¼fe innis dhaqee itti hin kufu. Seenaa namticha sanii osoo beeku faana isaa hin dhahu.

Hiriyyaan suuta suutan sossobee karaa nama dabarsaa malee humnaan dhiibee wanta ofii dalagu nama hin hojjachiisu. Mee koottu jaalalle koo waliin shaayi dhugnaa siin jedha. Yoo tole jette isa hordofte

shaayi si obaasa,waliin taphattan. Achii galgala ni galta. Ni rafta. Yeroo kana yaada akkamituu sitti dhufa? Deebii simaaf dhiisa. Tarkaanfi akkamii fudhachuu akka qabdu sheyxaanni sitti hasaasaa bula. Salphatti haala kanaan hiriyyaan karaa si dabarsa. Jalqabuma yeroo inni shaayi ykn wanta biraajedhe si affeero osoo didde salphatti si hin gowwoomsu.

Kanaafu hanga feene hiriyyaa keenya haa jallannu yoo inni wanta badatti nu harkise lakki jechuu qabna. Fedhii gabaabdu darbituuf jenne gammachuu fi nageenya zalaalami dhabuu qabnaa? Hiriyyaan keenya takka rakkanaan as garagalee nu hin ilaalu. Osso dhibee Eedistiin qabamne Rabbii nu haa tiksutii nurraa dheessaa malee qalbii jaalalaatin nutti dhihaate nu hin kunuunsu. Marree maaliif wanti inni dalaguu guutu waliin dalagne boodarrraa gaabbii fi rakkooj jirenyaa keenya saaxillaa? Yoo wanta baaadaa waliin dalaguu baanne hanga fedhe nutti haa aaru,funyaa haa dhaabu, lubbuu fi jirenyi keenya gocha inni itti nu affeero caalaa wuddii/qaalii mitii maa? Kanaafu qorsii jaalalaa inni afraffaan hiriyyaa gara baditti nama waamu irraa fagaachu,bakka gadhe inni taaâ€™urraa dheessudha.

5.Hojii gaggaarin of kooâ€™omsuu(busy)-wareebessi horii adda deemu argannaan dhiise bira darba moo kuffifate nyaataa? Sheyxanis nama hojii fi kaayyoo malee jiraatu qabee baditti darba. Wanta baaadaa akka yaadu fi hojjatuu isa kakaasa. Qabxilee armaan olitti tuqne akka hojjatu isa dhiiba. Abbichi yoo hojii gaariin of hin koâ€™oomsiin sheyxanis gara hojii badaatti isa qajeelcha. Halkanii guyyaa faana dubartii akka hordofuu isa godha. Yaadni isaa guutun dubartitti/intala,dhiira saniif akka taâ€™uu isa taasisa. Namni hojiin gaggaari hojjatun of gadii qabe yeroo fi sammuu waaâ€™ee sanii yaaduf hin qabu. Hojiin inni hundarra gaarii taâ€™ee immoo Rabbiitti dhiyaachuuf hojii dalagamuudha. Imaam ibn al Qayyim(Rabbii Rahmata isaani haa godhu) wantoota faaydi hin qabne buâ€™aa wayituu namaa hin buusne erga tarreessanii booda, wantoonni lamaan miidhan isaani kan daran baaadaa taâ€™an lafa kaaâ€™an. Isaanis: yeroo fi qalbii qisaasessudha.â€•Qalbiin kan qisaasoftu yommuu jirenya boodaa(Aakiraa) irra jirenya addunyaa tanaa filataniidha. Yeroon kan qisaasoftu immoo hawwii addaan hin cinne qabaachudha. Badiin hunduu kan dhufu fedhii ofii hordofuu fi hawwii addaan hin cinne horachudha. Wantii gaariin hundii kan argamu immoo qajeelcha sirrii hordofuu fi qunnamtii Rabbiitif qophaaâ€™udha.â€•

Namni hojii gaggaarin yoo of koâ€™oomse hiriyyaan itti dhufee gara baditti hin harkisu, filmii fi moovi hin ilaalu,chaatin sammuu ofii boqonnaa hin dhoowwu. Jaalalle uummadha jedhe hin yaadu. Sababni isaas jaalalle godhachuun yeroo isarraa guba,galma guddaa gahuu hin dandaâ€™u. Sheyxanis salphatti isa hin gowwoomsu. Qorsi jaalala inni shanaffaan isa kana. Qorsii jaalala kanaan kan xumuramuu mitii yoo Rabbii jedhe torbaan dhufu walitti deebina. Hangasii Assalaamu aleykum warahmatullahi wa barakaatuhi

Like www.facebook.com/jireenyabadhaatu

Date Created

June 25, 2016

Author

admin